

Муносабат

Президентимиз Шавкат Мирзиёевнинг Ўзбекистон Олий Мажлиси ва халқига Мурожаатномасини барчамиз диққат билан тингладик. Экран орқали тўғридан-тўғри узатилган Мурожаатномада билдирилган фикрлар халқимиз, давлатимизнинг бугуни ва эртанги кунига бефарқ бўлмаган ҳар бир юртдошимизни чуқур ҳаяжонга солди десам, муболага бўлмас керак. Зотан, Мурожаатномада илгари сурилган гоёлар нафақат аҳолининг муайян қатлами, балки бутун халқимизнинг манфаатига хизмат қилиши, ҳар бир соҳа ва тармоқдаги ютуқ ва камчиликлар тилга олинганлиги билан алоҳида аҳамиятлидир.



Соғлом ва баркамол авлод — кучли давлат бунёдкорлари

Яқини етган 2020 йилда бутун дунё ҳамжамияти, инсоният учун синовлар кўп бўлди. Пандемия аталмиш воқелик ўзининг белги ва оқибатлари билан нафақат биз, ўзбекистонликларни, балки жами инсониятни бироз шошириб қўйди. Айниқса, соғлиқни сақлаш соҳаси учун жиддий синовлар йили бўлди. Хусусан, айнан тиббиёт ходимлари пандемия шароитида чинакам саломатлик посбонлари бўлиб майдонга чиқди, улар машаққатли курашнинг олдинги сафларида туриб, ўз ҳаётларини хавф-хатарга қўйиб бўлса-да, кўзга кўринмас офатга қарши курашишгани ҳар қанча таҳсинга сазовордир.

Пандемия даврида элимиз эъзозлаб, қадрига ета бошлаган соҳа ходимлари ҳам айнан тиббиёт ходимлари бўлгани бежиз эмас. Эро, инсоннинг саломатлигини даволашда улғунлиги йўқлигини пандемия сабабли янада чуқурроқ англаб етганимиз ҳам бор гап. Шу боис соҳа ходимларининг меҳнатини муносиб рағбатлантириш, ойлик маошларини ошириш, пандемия шароитида ишлаётган шифокорларга қўшимча ҳақ тўлаш бўйича янги тизим жорий этилди.

Тиббиёт ходимларининг машаққатли меҳнатини муносиб рағбатлантириш, коронавирус пандемиясига қарши кураш ишлари 2021 йилда ҳам давом эттирилиши Президентимиз ўз Мурожаатномасида қатъий ишонч билан айтиб ўтгани соҳа вақили ҳамда тиббиётчиларни қўллаб-қувватлашни мақсад қилиб қўйган партиянинг фаол аъзоларидан бири сифатида каминани ҳам беҳад қувонтирди. 2021 йилнинг "Ёшларни қўллаб-қувват-

лаш ва аҳоли саломатлигини мустаҳкамлаш йили" деб эълон қилиниши замирида чуқур маъно мужассамлиги ҳеч кимга сир эмас. Эро, ҳар қандай кучли жамият ва давлатни ҳар томонлама баркамол, билимли ва асосийси, соғлом авлод вакиллари сиз қўриб бўлмайд. Қайси давлат ёки худудда аҳоли соғлом бўлса, ўқиш ва изланишга, ўз устида ишлашга интилади. Ҳар қандай соҳада тажриба орттириш, билимини мустаҳкамлаш устувор аҳамиятга эга бўлиши учун халқимиз ўз саломатлигига алоҳида эътибор қаратиши мақсадга мувофиқдир. Шундай экан, олдимизга қўйган режа ва марраларимизга эришиш учун барчамиз ёш авлоднинг билим олиши, дунёқарашини бойитиши, тажриба орттиришига шарт яратиб беришдан ҳам аввал уларнинг жисмоний чиниқлишига эътибор қаратишимиз шарт.

Бундан ташқари, Мурожаатномада таъкидланганидек, келаси йилдан аҳолига бирламчи тиббий ёрдам кўрсатишга хизмат қилаётган оилавий поликлиникаларни ҳам электрон иш юритишга ўтказилиши, бирламчи бўғинда умумий амалиёт шифокори ўрнига оилавий шифокор ва унга 5 та ёрдамчи ҳамширадан иборат тиббий бригадалар ташкил қилиниши, ҳамшира ва фельдшерларнинг обрўси ва мавқеини оширишга алоҳида урғу берилиши аҳамиятлидир.

Айниқса, ўрта бўғин тиббиёт ходимларига "ҳамширалик иши" билан мустақил шуғулланиш учун рухсат берилиши ақсарият ҳамшираларимизнинг иқтисодий мустақиллигини таъминлашга хизмат қилади.

Хулоса ўрнида айтганим бўлса, 2021 йилда халқимизнинг жисмоний ва маънавий саломатлигини мустаҳкамлаш давлат сиёсати даражасига кўтарилади. Президентимиз Тиббиёт ходимлари кўни арафасида ўтказилган катта анжуманда ҳам таъкидлаганидек, мамлакатимиз соғлиқни сақлаш тизимини бугунги кун талаблари асосида ривожлантириш, соҳанинг моддий-техник базасини мустаҳкамлаш, касалликларнинг олдини олиш, профилактика ишларини кучайтириш, айниқса, соғлом турмуш тарзи тамойилларини кенг жорий этиш, диагностика ва даволаш жараёнига рақамли технологиялар, инновацион ёндашувларни татбиқ қилиш билан боғлиқ энг муҳим ва долзарб вазифалар келаси йилда амалга оширилишига ишончимиз комил.

Муҳаррам ДАДАХОДЖАЕВА,
Олмазор туманидаги 19-оилавий поликлиника бош шифокори,
партия фаоли

Чет эл капитали иштирокидаги "НАМКОРБАНК" АТБ Чиноз филиали ҳамда "Эркин Қурилиш Барака" МЧЖ жамоаси

Халқимизни Янги — 2021 йил билан табриклайди! Она диёримизда тинчлик, хонадонларда тотувлик, байрамона хуш кайфият бардавом бўлсин! Янгидан-янги ютуқларга эришаверайлик!

"Намкорбанк" АТБ Чиноз филиали "иш ўрганувчи" лавозимларига замонавий фикрлайдиган, масъулиятли ва жамоада ишлаётганидан номзодларни танловда қатнашишга таклиф этади. "Иш ўрганувчи"га қўйиладиган талаблар: иқтисодий йўналишида олий (бакалавр) маълумотга эга бўлиши; иқтисодий билимларни эгаллаган бўлиши; хорижий тилларни билиши қўллаб-қувватланади. Маълумотлар 2021 йилнинг 10 январь санасига қадар банкнинг Чиноз филиали ёки namkorbank.uz веб-сайти орқали қабул қилинади.

Тел: +99 401-91-91
+70 593-21-64

Reklama o'rinda



Чиноз туманидаги ХС "JU FU" МЧЖ жамоаси

Барча юртдошларимизни Янги — 2021 йил билан муборакбод этади. Тилагимиз — Янги йил оилаларимизга қувончу шодлик олиб келсин! Жаннатмонанд диёримизни тинчлик-осойишталик, дастурхонларимизни тўқин-сочинлик тарк этмасин!



Reklama o'rinda

АТБ "АГРОБАНК" Чиноз тумани бўлими ҳамда "Эркин Пўлат Файз" ММТП жамоаси

Юртдошларимизни 2021 йил — "Ёшларни қўллаб-қувватлаш ва аҳоли саломатлигини мустаҳкамлаш йили" билан табриклайди. Ҳар бир оилага тинчлик, фаровонлик, омад ва бахт олиб келсин!